


**TRUTH
CENTERED
TRANSFORMATION**

MODULE 2



HUMAMBO HWAMWARI

BHUKU REMUDZIDZI

2.1 Nyaya Dzemunharaunda

Mumwe murume wekuIndia akashanyira dunhu raakamboshandira. Akabvunza madzimai kuti dunhu raizonge rakaita sei dai Jesu ariye airtungamirira. Umrai, uyo aitaurisa pakati pavo akatsanangura nezvedunhu raizova rakabatana uye richiita chinhu chimwe chete. Akaziva kuti Jesu haaikudzwa nekupesana kwevanhu vedunhu rake. Mhuri imwe neimwe yaizviraramira. Nokuda kwemhinduro yake, madzimai edunhu iri rakaumba komiti yeutsanana uye remabasa emaoko. Madzimai gumi nemana eboka remabasa emaoko rakatanga kusangana misi nenguva uye vane mufaro mukuru. Vanhu veboka iri vakaunganidza mari shoma kabva pakuchengeta kwavo vakaisa mubhanga reboka rose ndokutanga kugadzirisa matambudziko emunharaunda pamwe chete. Umrai ndiye aiva mutungamiriri wekomiti akashandisa tarenda rake rokutungamirira kuronga uye kukurudzira dunhu kuita zvinhu zvaizoitwa naJesu kunge aive iye aivatungamirira.

Madzimai ezvidzidzo zveBhaibheri munyika yeUganda vakafunga kushandira dunhu ravo semashandiro aizoitwa naJesu. Vakanyatsoronga bhindauko ravo rokutanga: kubvisa marara pabhawa raive pedyo. Vamwe vemadzimai aya vaviri nehushingi vakapinda mubhawa. (Nguva zhinji madzimai anopinda mubhawa ipfambi chete). Vakakumbira mvumo yekubvisa marara. Varidzi vebhawa vachikatyamadzwa vakaseka asi vakabvuma kuti vaite basa. Madzimai akakurudzira vanhu vemunharaunda, vanhu vazhinji vakazvipira kubasa iri pasina muripo. Boka iri rakachera makomba maviri: rimwe rezvinhu zvinowora uye rimwe remarara asingawori. Vanhu vanotandarira mubhawa pavakaona vamwe vachitsvaira marara avo vakabva vatanga kubatsirawo. Chakazofadza nharaunda ndechekuti varidzi vebhawa vakazoramba vachichenesa nzvimbo iyi.

Vakurudzirwa neizvi, madzimai vakazogadzira zvitofu pfumbamwe zvaishandisa mafuta zvakaishonaka pakubika kumhuri dzemunharaunda uye vakaumba hari dzekuchengetera mvura kumhuri dzaitambura. Vachienderere mberi, chikwata chezvidzidzo zveBhaibheri ichi chakazoita bhindauko hombe: musika wenharaunda. Vakadzi vemudunhu vanowananzofamba nguva yakareba vakatakura miriwo nezvimwe kuiendesha kumisika iri kure. Musika uri pedyo waizovarerutsira kuwana mari uye vari pedyo nemhuri, nharaunda uye magadheni avo. Pekuitira musika vakapiwa mahara asi pakange pakaterenuka kuti vatange kuvaka musika. Madzimai ezvidzidzo zveBhaibheri aya akanamata, vashandi vemugwagwa mukuru vaishanda pedyo vakabvuma kugiredha nzvimbo yemusika pasina muripo. Nerubatsiro rwaJehovah boka duku remadzimai machristu rakaona rikaunganidza zvishandisiro, vakachengetedza mari, vakapedza matambudziko uye kugadzira musika. Vakakura pamweya pavaishandira vamwe vakamirira Jesu.

Ongorora

- Chii chakaitika panyaya imwe neimwe?
- Takatarisa vanhu vari munyaya idzi, nharaunda idzi dzakaswedera mudhuze here kuona mararamirwe aizoitwa kana munhu wose akararama sezvinodiwa naJesu. Nemhaka yei?
- Neapi mabhindauko akaitwa nemapoka ari munyaya idzi?
- Zvingaitikawo sei munharaunda yenyu?

3.1 Mabasa Ehumambo Shoropodzo

<i>Basa (value)</i>	<i>Magwaro</i>	<i>Unhu/ Mararamiro Edu</i>	<i>Umambo HwaMwari</i>
<i>Zvatinofanika kuva sevarume mumba</i>	<i>VaKorese 3:21</i> 1 Petros 3:7 VaEfeso 5:25, 28, 33		
<i>Zvatinofanika kuita semadzimai mumba</i>	<i>Mavambo 2:18</i> VaEfeso 5:22-24, 33		
<i>Tingabate sei vana</i>	<i>Mapisarema 127:3</i> VaEfeso 6:4		
<i>Tingabate sei vanhu</i>	<i>Mateu 22:36-40</i>		
<i>Tingabate sei vavengi vedu</i>	<i>Ruka 6:27-31</i>		
<i>Mawonero edu ekushanda</i>	<i>VaKorese 3:22-4:1</i> VaEfeso 6:7-8		
<i>Mawonero edu enharaunda</i>	<i>Mapisarema 24:1</i> Mavambo 1:28-30 Mavambo 2:15		
<i>Chinhu chakanyanyokosha</i>	<i>Mateu 6:25-34</i> Mateu 22:36-40		
<i>Mawonero edu erufu nekufa</i>	<i>Johani 11:25-26</i> VaHebhuru 2:14-15 Zvakazarurwa 1:17-18		
<i>Mawonero edu mukutambudzika</i>	<i>Ruka 6:22-23</i> 2 VaKorinte 1:8-11		

4.1 Hurukuro Muboka Duku

Mawonerwo Ebasa MuBhaibheri

- 1 VaTesaronika 4:11-12
- 1 Timotio 5:8
- VaEfeso 4:28
- 1 VaKorinte 10:31

Mwari ane hanya nemaitiro atinoita basa redu

Tarisa mangwaro anotevera. Magwaro aya anotidzidzisa chii pamusoro pebasa? Mumaboka maduku pfupisa nyaya iyi nemutsara mumwechete.

- 2 VaTesaronike 3:10-12
- Zvirevo 10:4
- Zvirevo 19:15
- Zvirevo 21:25

Unofunga kuti magwaro aya anotidzidzisa kuti tiite basa sei?

- 1 VaKorinte 10:31

- VaKorose 3:23

5.1 Mutinhimira weMhuri Imwe

Mhuri Imwe YechiKristu Younza Shanduko

Makore mana adarika muvhangeri paakauya kunzvimbo ino nharaunda yose yaiva nemaHindu.Nzvimbo iyi yakanga irikuHimalayas panzvimbo yakakwirira churu pamusoro pemvura.Makiromita mashomanani kubva pamisha iyi pakange paine munda wairimwa masamba.Izvi ndozvaipa basa kuvagari vemisha iyi.Zvisinei mari dzaitambirwa dzaiva shoma zvekuti vanhu waitotadza kurarama nazvo kunyangwe vaine basa racho.

Nzvimbo iyi yakanga ine dzimba makumi maviri namashanu dzakanga dzakagadzirwa nemapuranga dzakaiswa denga remarata. Maisava nezvimbozi mumisha iyi.Nokuti yakanga iripanzvimbo yakakwirira zvekuti kwaitonhora;uyezve vana vaifamba vasina shangu uye vaine matumbu akakura.

Imba yega yega yaiva iri pamunda muduki.Kubika kwaitirwa mune imwe imba yaiva neutsi yokubikira muine choto, poto yacho yakagara matombo matatu. Paiva nehuku shomanani dzaimhanya mhanya pachivanze dzichipinda nokubuda mumba, zvivanze zvacho zvaiva zvakasviba.

Chikoro chaiva pedyo chaiva makiromita maviri kubva pamisha. Chaiva kure nevana kuti vafambe zuva nezuva uye vaiva nebasa rokuita kudzimba.Naizvozvo vana vazhinji vaisaenda kuzvikoro.Vanhu vakuru vazhinji vaisagona kuverenga kana kunyora, naizvozvo vaidzvanyirirwa nevamwe vaigona vekudzimwe nzvimbo.

Kwaiva nemagadheni mashomanani nokuti nzvimbo yaiwanikwa mvura yaiva makiromita maviri kubva kwavaigara.Zvakanga zvakavaomera kutakura mvura yokunwa neyekuwachisa, tisingazotaure yokudiridzisa. Maimbova nepaipe yemvura yaibva kudhamu asi yakanga isisashandi, vanhu hapana zvavakaita nezvekuigadzirisa.

Mvura yainaya apo neapo kunze kwenguva yekurima pakwaiva nekunaya kwemvura yakafanira kuchirimwa chavo chomupunga.Paisava nenzvimbo pamwe nenguva yokuiisa mavheji avo.Vakava neraki vaikohwa mupunga waivakwanira kusvika rimwe goho rinotevera.

Vanhu ava vaiva maHindu saka vainamata zvimwari zvakanwanda wanda uye zvakasiyana siyana.Kune anamwari vanodarika zvuru makumi,vanofanira kufadzwa nekunamatwa nemaHindu.Nzvimbo iyi yaiva nemifananidzo yevanamwari vemaHindu.Nguva yega yega mhuri imwe payaidya yaisa chikafu pasi kumweya yaitenderera.

Paiva nekapfungwa kekukurirwa nekekushaya tariro.Tariro yavo yaiva yekuti pamwe muhupenyu hunozotevera vaizodzoreredzwa mune zvakana. Asi paivawo nemukana wekuti vakasafadza vanamwari wavo,vaidzoswa sembwa kana kuti kiti.Vainzwa kunge vakavharirwa vasina pokubuda napo,pasina nzira yokugadzirisa hupenyu hwavo.

Lepcha aiva muvhangeri akaenda kunogara kunzvimboiyi. Akadzidza nezvekubatsira vamwe kuti vavandudze hupenyu hwavo nehutano hwavo muchidzidzo mumwedzi mumwe chete. Paakapedza zvidzidzo zvake akaenda kunzvimbo iyi kuti anogarako nemhuri yake vachibatsira vavakidzani vavo nekuvagovedzana zvavakadzidza.Vaiva nechivanze chakachena nemba yokubikira yaiva nepekubikira pakakwirira,zvaiita kubika kuve nyore,vachishandisa huni shoma. Vaive nenzvimbo diki yokuchengetera huku dzavo.Vakadyara mavheji mashomanani mugadheni ravo,izvo zvavandudza

hutano hwevana vavo.Vaiva nechimbuzi,uye vana vavo vairatidza kusava nemakonye kana chirwere chemudumbu sevamwe vana vemunharaunda.

Lepcha aichingidzira mvura yaibva pamarata emba yake kana mvura ichinaya,vamwe vagary vemunharaunda vakateedzera pfungwa iyi, iyezvino kunyangwe kwakanaya vishoma vavekuva nemvura.

Vakaita kuti vanhu vemunharaunda vashande vose kugadzirisa paipi yemvura kubva kudhamu kusvika kunharaunda kwavo, iyezvino vave nemvura yakawanda,inovakwanira kudiridza zvirimwa zvavo.Vazhinji vakateedzera kuvaka zumbu rehuku pamwe nekuvaka zvimbuzi zvisinga nhuwe.

Mhuri yaLepcha payakasvika munharaundayakatanga kudzidzisa vanhu vakuru pamwe nevana vadiki vaida kudzidza kunyora nekuverenga.Vakatanga kudzidzisa vana nevehikuru chikoro chekuverenga. Iyezvino nharaunda iyi yava nechikoro chavo kusvika giredi yechina mudhuze.

Iyezvino kwava nekereke nokuti mhuri makumimaviri namatatu emhuri idzi dziri makumi makumi maviri namashanu vave nehukama naKristu. Izvi zvole zvakaitika nokuda kwemhuri iyi yakagovedzana Kristu kuburikidza namashoko pamwe namabasa.

Vanhu iyezvino vave nepfungwa yekukunda,uye vakuona kuti vanokwanisa kurarama hupenyu hunehutano hwakanaka nokuti mhuri imwe yakava nerudo rokuuya kuzogovedzana hupenyu hwavo navo.

Nyaya imwe chete iyi irikungotaurwa nezvayo munzvimbo dzakasiyana siyana dzirikuchamhembe yeIndia nekumabvazuva eNepal. Iyezvino zvinhu zvimwe chete zvakuitika munzvimbo dzinosvika zana namakumi maviri munzvimbo iyoyo.Panyama hupenyu hwevanhu huri kushanduka. Asi hupenyu hwevanhu huri kushandurwa pamweya zvakare nokuti gungano remhuri zana namanomwe dzikusangana mudzimba ,makumi maviri achivawo nevanhu vanosvika mazana maviri.

Mafundisi ekuIndia vakaumba sangano ravo rekereke rinonzi iro Agape,rinova iro richabatanidzwa nemakereke matsva ose.Kana mhuri imwe yakaita semhuri yaLepcha iine muono wekuti nharaunda yavo ishandurwe,zvinhu zvikuru zvinokwanisa kuitika kana vachitsvaka kuda kwaMwari uyezve kana vachibvuma kushanda maringe nemuono wavapiwa naMwari.Dzimwe mhuri dzacho dzafanana nemurongerwo unoitwa kereke nenyaya yekudzidzisa vanhu vanokwanisa kuunzashanduko mukereke. Munamato wedu kuti mifananidzo iyi igova mifananidzo yenharaunda muneramangwana.

- Ndeipi shanduko yakaunzwa naLepcha munharaunda iyi?Wongorora zvakare nyaya iyi wozvinyora pazasi pemusoro unoti iwo magariro,zvemweya,zvepfungwa,nezvinobatika zvepanyama.
- Akaunza sei shanduko iyi?Akatanga nani?Mhuri yake.
- Nharaunda iyi yashandurwa sei nekuda kwaLepcha?
- Ungava saLepcha sei munharaunda yenyu?

5.2 Kuva muvaki wehumambo

1. Ngazvitange Newe

Nhanho yekutanga kuona Humambo hwaMwari huchiumbwa muhupenyu hwako, mumhuri yako, nemukereke mako, pamwe nemunyika yose kuongorora hupenyu hwako kutanga. Ukutendera kuti Mwari wakushandise here? Ukubvuma kuteerera Mwari munzvimbo dzose dzehupenyu hwako here? Ndezvipi zvinhu zviviri kana kuti chimwe chaunokwanisa kushanda kuzvisimudzira vhiki rino?

2. Dzidzisa nekukurudzira mhuri yako

Apo uchatanga kushandisa Humambo hwaMwari muhupenyu hwako hwose unofanika kukurudzira mhuri yako kuti iite zvimwe chetezvo. Patinenge tichiverenga nekudzidza tinofanika kudzidzisawo mhuri dzedu nguva dzose, (Deut. 6:7) zvisinei kuti tiri kuita chipi zvacho. Tsvaga nzira dzekudzidzisa mhuri yako nemaitiro ako, mukutaura kwako navo, uye nemukutsvagurudza nzira dzingavabatsira kuti vatange kushanda zvinobatsira vamwe zvakare.

Rangarira zvinhu zvawakasungira kuita muchidzidzo pachimwe nechimwe chezvina zviye kuti ubatsirewo mhuri yako mukukura.

3. Kumbira Mwari kuti Akushandise Kubata Vamwe

Tanga kunamata kuti Mwari akubatsire kuita zvinodenha vamwe kuti vatevedzere. Tsvaga mikana. Apo unoona vanhu vanoda rubatsiro, kumbira Mwari akuratidze kuti ungabatsire sei vanhu ivavo.

Mwari vanoda chose kutibatsira kuti tivake Humambo hwavo. Achazarurira kwatiri munguva yakafanira nzira yokuti tibatsire nayo.

4. Batsira vamwe

Iva unoita Basa reRudo uye tsvaga dzimwe nzira dzekushandira vamwe. Nyangwe uchiona kuti haungakwanise kuita zvineudzamu, unofanika kushandisa zvipo zvose zvawakapiwa naMwari kushandira vamwe. Pauri kushanda uchatanga kukura uye uchaona kuti unokwanisa kubatsira nezvakasiyana siyana.

8.1 Nhanho Dzekuronga Mabasa erudo

Nhanho Yekutanga: Munamato

Chinhu chekutanga kuita kunamata. Tora nguva iyezvino yekunamata. Bvunza Mwari zvokuita pamabasa ako erudo.

Nhanho Yechipiri: Kusarudza Basa Rekuita

Seboka sarudzai zvinhu zvenyu zvekuita kuratidza rudo rwaMwari. Tarirai dzimwe pfungwa dzamakanyora muchidzidzo chekutanga mobvumirana panezvamurikutungamirirwa naMwari kuita.

Muchinge masarudza musoro wenyaya, wonai kuti chinhu chamungaite muzuva rimwe kana maviri. Kana zvisingaitike, rongai kuita nhanho imwe kana mbiri dzechirongwa ichi?

Nhanho yechitatu: Sarudza zvinodiwa

Nhanho inotevera ndeyekutanga kuronga. Chekutanga kusarudza zvinodiwa pahurongwa – vanhu vakaita sei vanodiwa, zvingashandiswe ndezvipi, mvumo dzingadiwa kutsvagwa, etc. Kukubatsira kufunga pane izvi, unogona kushandisa bepa rekushanda ririr mubhuku remudzidzi. Uchinge wazadzikisa koramu yokutanga nezvose zvaungada kushandisa, unokwanisa kuchiona kuti ndiani achatungamirira chii uye chichipera rini.

Nhanho yechina: Nyora hurongwa Pasi

Uchinge waronga zvose zvingade kuitwa, wave kukwanisa kunyora hurongwa hwako nemazuva ahwo uchiziva kuti chakati chinotwa nanhingi chichipera musi wakati. Sarudza munhu mumwechete achatungamira hurongwa hwose. Munhu iyeye ndiye anofonera vanhu achivaudza kuti mangwana uri kuita zvokuti nezvokuti uye kuona kuti zvazoitwa here, uye kuona kana pane matambudziko kana kuti vanhu vachida rubatsiro.

Nhanho Yechishanu: Munamato

Uchinge wapedza kunyora hurongwa hwose pasi tora nguva zvakare kunamata. Kumbira Mwari kuti chiitiko chibudirire uye kuti chive nepundutso kakapetwa, zita raMwari rigorumbidzwa. Pasvondo kana maviri anotevera uchigadzirira Basa rako reRudo unofanika kunge uchinamata kuti Mwari akubatsire muhurongwa hwose.

Nhanho yechitanhatu: Ita Basa reRudo

Nhanho inotevera kuita Basa reRudo rawakaronga. Tanga zuva nemunamato woisa zvinhu zvose mumaoko aMwari. Rangarira kuti uri kuitira izvi kuratidza rudo rwaMwari kunharaunda yako. Zama kuramba une maonero anowirirana nechinangwa ichi.

Nhanho yechonpmwe: Wongororo netsananguro

Chinhu chekupedzisira kuongorora nekupa tsananguro. Sei tichiongorora. Nokuti zvinotibatsira kudzidza. Tinokwanisa kufunga zvatakaita zvirinani, uye neparikuda kuvandudzwa nguva inotevera. Hazvidi kutaura nguva yakareba; munokwanisa kutora nguva shoma kukurukura mibvunzo iyi:

- Ndezvipi zvakaitswa zvirinani?
- Ndezvipi zvisina kuitwa zvirinani?
- Ndezvipi zvamunokwanisa kuvandudza pakuronga kwenyu?
- Mhinduro ndiyo yamange makatarisira here? Kana zvisirizvo, sei zvakadaro?
- Mwari vakarumbidzwa here?

Mudzidzisi ane bepa rekunyorera zvamakaita. Sei tichitaura zvataita? Muna Mako 6:30 tinoona vadzidzi vachitaura kuna Jesu zvose zvavakaita. Tinotaura nekuda kwekutendeka nekukudza avo vakatidzidzisa nekutigadzirira zvokushandisa nevadzidzisi vedu. Kutaura kunokupa mukana wekugovedzana chapupu chako kuti Mwari vakakugonesa sei. Zvinopawo vadzidzisi mukana wekuona pakanga panematambudziko nekutsvaka nzira dzinokubatsira muneramangwana.